


Kerueboorsch



um

Hess. Hof

Kerwespruch


Kerwespruch 1986

E Jahr es rumm, ehr liebe Leit,
zum Glick es wirrer Kerwezeit,
e gonz Jahr warn mer aweitslos,
doch heit do es de Deiwel los,
drum haaß ich herzlich eich willkumme,
die ihr de Weg zu uns genumme,
ob Mädcher, Buwe orrer Männer,
uff Worfeller Kerb do kimmt de Kenner.--

On Kerb do flije bei uns die Hiet,
do werd vor vier Uhr Koaner mied,
do mache mer e Schoppeschicht,
bis das die Hitt zusommebricht,
mer duhn singe, doanze, hippe,
un alsemoal Oaner kippe,
denn ehr Leit vun nah un fern,
mer Worfeller, mer feiern gern,
un außerdem soin mer bekamnt,
fern greeste Kerweboam im Lond,
denn der geheert, wie die Gluck zum Ei,
zu de Worfeller Kerb debei,
drum soin die Leit all froh,
woann's haaßt: " DIE WORFELLER KERB ES DO "

Woas muß ich do vergonge heern,
iwwer Monfred muß ich mich beschwern,
do warn drei, vier vun uns Kerweborsch,
beim Monfred un hann große Dorscht,
drum honn'se glei fer ehr Geld,
en Stiefel Bier beim Wert bestellt,
doch der moant, do werst'e blaß,
woas ich soach des es koan Spaß,
drum muß ich erst noach Luft jetzt schnappe,
" Eich duh ich heit koan Stiefel zappe ",
" Wieso donn net? Warn mer bees?
Auf zapp uns Oan` un mach koan Kees! "
" Noa !! " hot de Monfred do gesoacht,
Die wern nur uff Sitzunge gemoacht,
un weil`er heit koa Sitzung het,
do mach ich a koan Stiefel net !!!
" Es gut mer steije jo schunn uff,
un mache in de Dutt noch Oaner druff!
Do krije mer woanns klappt,
bestimmt noch Oan gezappt.--

In de Dutt, des soin koa Bosse,
honn'se fünf Stiefel mache losse,
donn hot's Koaner meh gejuckt,
daß de Monfred in die Röhre guckt.



Die Karin hot mi`m Monfred glei geschennt,
ob er sich des leiste kennt,
uff`s Geld do wär`rer scharf,
un macht donn so de Aff.--


Awwer Monfred, hob uff uns koan Brass,
mer mache heit nur Spaß,
" Paß Oacht un horsch moal her,
so werste niemoals Millionär.
Un es nächstemoal des rat ich dir,
do machste uns en Stiefel Bier."

Genuch jetzt vun unserm Wert,
moi Käl die es gonz ausgedert,
drum duh ich se, mit Woi,
befeuchte des muß soi.
un die Musik speelt fer alle Leit,
" Ein Prosit der Gemütlichkeit "

Im Summer wonn die Sunn duht brenne,
duht alles in es Schwimmboad renne,
doch de Klaus hot sich gedenkt,
es Geld werd net verschenkt,
unn weil`s em for dem Gewimmel graust,
hot er sich dehoam gebraust.
Mit Saafe, Hondduch un de Schlappe,
duht`er in soi Boad noidappe,
dort zieht`er die Klamotte aus,
un hippt schnell in die Braus: --

De Krone uff, die Brie es oh,
ehr Leit wos hot des Gut gedoh,
mit de Worzelberscht de Dreck erunner,
beim Klaus do geht des Blitz un Dunner. --

Wie`rer ferdisch war de Klaus,
wollt`er aus de Dusch eraus,
doch die Tücke vum Objekt,
war desmoal in de Deer versteckt,
des dabbisch Ding, des hot gehonge,
un es net meh uffzumache gonge,
gonz verzworzelt rifft do de Klaus :
" Martha kumm, un helf mer `raus ! " --
Die Martha hot sich schnell beeilt,
es dorschs gonze Haus gekeilt,
bis ons Boad un hot prowiert,
ob sich die Deer e bisje riert,



alle Tricks honn`se donn versucht,
ei woas honn die zwee geflucht. --

Do kimmt de Martha e Idee,
" Mit Hommer un Maasel mist des geh ",
schnell springt`se in die Werkstatt `naus,
hält es Werkzeug aus de Kist eraus,
unn sterzt sich uff des dabbisch Ding,
woas net uffzumache ging,
" Des hon`mer glei, du dabbisch Dier !
Druff Kapell, jetzt geb ich`s dir ! " --


Die Martha, hondwerklich geschickt,
hat die Deer schnell uffgekriegt,
schließlich konnt` de Nasse Klaus,
endlich aus de Dusch eraus.
Die Deer ging dodebei halt druff,
" Woas solls donn Klaus, hauptsach sie es uff ! "

Moi Lewwer duht sich schunn beschwern,
sie kennt mich net meh babble hern,
ich kennt mer glei e Oaner kaafe,
sie wär schunn beinoh haasgelaafe,
drum duh ich jetz glei spiele,
um moi Lewwer obsekiele,
un die Musik waas Bescheid :
" Ein Prosit der Gemütlichkeit !! "

Im Frijohr, wonn die erste Schpaschel gucke,
duht`s so monch Oam in de Finger jucke,
der sich mit Gedonke queelt,
wem`er noch koan Streich gespeelt,
e gonz Badie vun dere Sort,
gibt`s nadierlich aa bei uns im Ort --

Vun dene werd jetzt glei verzehlt,
un vum Straach den`se gespeelt,
awwer oans des ess gewiss,
daß nix devoh erfunne iss --

Die gonz Badie war Samsdags owends keele,
nur de Bäcker net, denn der tat fehle,
der hat sellemol koa Zeit,
war uff Besuch vun soine Schwijerleit,
unnerdesse losse donn die Oanern,
die Keechel uff de Bohn rumdonnern,
Bonde, Neuner unn aa Krenzjer,
soin laurer so Spirenzjer,



fer die, des fraat de Werd,
e Rund gesoffe werd,
zum Schluß hat sogar de Vatter,
e gonz gewaldisch Knadder,
storzbesoffe so in se dorsch de Schulhof dorsch,
do segt de Vatter : " Guck dort owwe, horsch,
beim Becker steht es Stuwfenster uff,
hol die Laader do mach ich nuff ! "
De Walter der hält soi Laader aus de Scheier,
unn kimmt zurick mi`m e Kopp wie Feier,
stellt soi Laader on die Wond,
daß de Ginder ons Stuwfenster konnt --

Der macht nuff un guckt enoi,
" Woas e Glick s`es koaner droi,
- Mach, geh her un kumm,
mer stelle moal die Meewel um ! "
De Walter hot erst sich net getraut,
denn es`er nuff un hot die Schloafstube obgebaut,
die Oanzeldahle vun de Meewelstigger,
honn denn die zwee Spitzekligger,
wie mer bei uns so segt,
foi säuberlich in de Flur gelegt,
zum Schluß hänge se noch en Adventskronz uff,
un mache denn beim Metzjer noch Oan druff --

Wie denn de Willi hoam es kumme,
un des ess gewiß koan Dumme,
hot`er erst zwaamoal gucke misse,
denn hot`s en fast vun Stuhl gerisse,
" Renate woas so in denn des fer Bosse,
host`e wirrer es Stuwfenster uffgelosse !!!? "
" Ich, wieso ? Wie kimmste do denn druff ?
Moanste ich mach fort un los`es Fenster uff ? " --
Ja ehr Leit oaner muß es jo gewese soi,
sunst wär jo aa es Bett noch droi,
do nutzt koa jommern un koa schenne,
sie mußte uff`em Borrem penne.

Un zum Schluß speelt jetzt die Musik, des es doch klar,
" Gehn`mer moal rüber zum Schmidt seine Fraa ".

Aach im nächste Vers macht Oaner mit,
des es ebenfalls en Schmidt,
der es in seine Urlaabszeit,
noach Sponje mit de Speelmonnsleit. --

...

Bei Barcelona warn`se oiquartiert,
un honn newebeli aa musiziert,
nadierlich, des es doch klar,
wollte`se aa noach Barcelona,
fast alle wollte mit,
do drunner aa de Schmidt. --

Doch wie des Schicksal nun moal speelt,
hot de Schmidt de Darm gequeelt,
drum mußt`er bei der Hitze,
zwaan Stunn uff`em Aabee sitze,
de Schmidt war uff de Press, zur Abfahrtszeit,
do honn`sen dogelosse, die Speelmonnsleit,
de Monfred springt schnell vum Dippe,
duht hordisch in soi Hose hippe,
keilt enunner zum Portjee,
der klatscht Beifall un rifft : " Olè ! ". --

De Schmidt hot oafonge se schelle,
" Du duhst mer glei e Taxi bestelle,
om Beste wonns kennt flije,
do deht ich aa moin Bus noch krije ".
Des Taxi, des war ruchzuck do,
" Du mich fahrn Bahnhofio " ,
der Taxifahrer der gibt Gas,
ehr liewe Leit, des war en Spaß.
Vum Bohnhof aus, hat er erfahrn,
kennt mer aa noach Barcelona fahrn.



Om Bohnhof do hot`er dumm geglotzt,
do kimmt de Bus vum Speelmonnszug geprotzt,
fahrt vorbei un hält net oh,
do stand es Schmidtche dabbisch do,
de Monfred nix wie in die Taxischees,
un hinnerm Bus noach mit Gedees. --

Ehr Leit woas soll ich eich bloß soache,
wie die zwee do hinnerm Bus drin joache,
on ner Kreizung hält`er donn,
weil`s Rot es plötzlich on,
de Schmidt springt aus de Schöes eraus,
hält e paar Pesete raus,
springt zum Bus, der steht noch do,
un kleppt glei on die Fenster dro,
" Ich bins, ehr Leit, de Schmidt,
losst mich roi un nemmt mich mit.
Unner Peife, Greische un aa Lache,
duhn`sem donn die Deer uffmache.

Des war vum Schmidtche jetzt genuch,
drum es'er aa im Kerwespruch,
un die Musik speelt fer'n Don Manfredi un soi Fraa,
des sponisch Lied : " E viva Espania ".

Schunn wirrer duht sich moi Lewwer reje,
ich soll mich zu moim Gloas beweje,
un außerdem, do hät se jetzt genuch,
vun moim Gebabbel un em Kerwespruch,
drum werd jetzt, damit sich die Lewwer net beschwert,
mit dem Gebabbel uffgeheert,
aach de Watz schläft fast im steh,
des haaßt mer misse weiter geh,
un die zwaa Geil for moine Kutsch,
die ziehe aa e gonz'schee Brutsch,
drumm heer mi'm Kerwespruch ich uff,
mer mache heit' noch Oaner druff,
de Monfred duht schunn winke,
gefeiert werd ins Klinke,
aa die Karin die muß springe,
un muß uns woas zu trinke bringe,
nadierlich seid ihr aa,
oigelode, es doch klar,
heit owend do mache mer wirrer Bosse,
do werd im Soal die Wutz eraus gelosse,
do wolle mer alle lustisch soi,
bei Bier vum Faß, un Kerwewoi. --
So ehr Leit ich mach jetzt Schluß,
weil ich noch woas trinke muß,
ich grüß eivh all vun nah un fern,
putz de Schweiß ob vun moim Hern,
machts gut un bis zum nächste mo,
woans haaßt : " DIE WOFELLER KERB ESS DO " !!!!

